

涵芬樓古今文鈔

呂景端
書藏

通志樓古今文鈔

卷之四

涵芬樓古今文鈔卷二十七目錄

奏議類

疏上三

諫稅關市疏 崔融

請追癸巳日詔疏 羅隱

請選舉擇賢才疏 薛登

請重守令慎選舉疏 張九齡

論百官論事疏 顏真卿

辭太尉疏 郭子儀

請乘輿還京師疏 郭子儀

條奏貢舉疏 楊綰

議楊綰條奏貢舉疏 賈至

上疏陳政 獨孤及

請誅程元振疏 柳伉

論治亂之略疏 陸贄

論徵稅疏 陸贄

論納諫疏 陸贄

論行辟召之法疏 沈既濟

諫用皇甫鎛程异爲相疏 裴度

論魏弘簡元稹疏 裴度

諫憲宗服金丹疏 裴潁

論事疏 李翱

請崇國學疏 李絳

彈義成軍節度使李聽疏 周太玄

上南唐烈祖疏

張義方

諫蜀主屢興兵旅疏

馮涓

諫擊毬疏

幸寅遜

言朝政得失疏

田湑

論選皇子疏

歐陽修

熙甯轉對疏

曾鞏

移滄州過闕上殿疏

曾鞏

奏陳青苗等法疏

范純仁

辭職疏

司馬光

上英宗疏

司馬光

論治身先孝治國先公疏

司馬光

上皇太后疏

司馬光

請定儲貳疏 司馬光

上英宗言時政闕失疏 司馬光

諫時政疏 尹洙

請裁冗官冗兵疏 范鎮

再陳官冗兵多疏 范鎮

上時政疏 王安石

進戒疏 王安石

應詔上疏 宇文之邵

諫行青苗法疏 孫覺

進保伍之策疏 李昭玘

乞回鑾疏 宗澤

乞回鑾疏 宗澤

遺少尹范世延機幕宗穎詣維揚請回鑾疏宗澤

乞回鑾拜罷習水戰疏宗澤

請駕還汴疏宗澤

請二程夫子從祀疏胡安國

請立志以成中興疏李綱

請勿移蹕避金人南侵疏胡寅

上高宗皇帝疏胡宏

論議和疏胡銓

請誅王倫秦檜孫近疏胡銓

論恢復疏岳飛

上孝忠疏楊萬里

戒聖性傷急疏彭龜年

論朋黨疏 劉光祖

上孝忠疏 王十朋

請光宗省重華宮疏 陳傅良

論人心可畏疏 陳傅良

論聽言疏 薛叔似

上甯宗疏 朱熹

上理宗疏 魏了翁

諫游幸疏 劉黻

上度宗皇帝疏 劉黻

劾董宋臣疏 文天祥

諫索女直逃入高麗戶口疏 完顏勛

請立皇太孫疏 徒單克甯

言郊天配饗疏 石 琚

諫伐宋疏 祁 宰

諫游金蓮川疏 梁 襄

論爲政之術疏 徒單 鑑

諫止官田給軍疏 高汝礪

上宣宗疏 高汝礪

諫權油疏 高汝礪

上四事疏 張行信

諫分義軍爲三等疏 胥 鼎

諫伐宋疏 胥 鼎

陳九事疏 侯 肇

論雅樂疏 侯 肇

請屯田疏 田 琢

諫伐宋利害疏 楊雲翼

言簡卒理財疏 楊雲翼

涵芬樓古今文鈔卷二十七

侯官吳曾祺纂錄

奏議類

疏上三

諫稅關市疏 崔融

伏見有司稅關市事條。不限工商。但是行人盡稅者。臣謹按周禮九賦。其七曰關市之賦。竊惟市縱繁巧。關通末遊。欲令此從止抑。所以咸增賦稅。臣謹商度今古。料量家國。竊以爲不可稅。謹條事跡如左。伏惟聖旨擇焉。往古之時。淳樸未散。公田籍而不稅。關防護而不征。中代以來。澆風驟進。桑麻疲弊。稼穡辛勤。於是各徇通財。爭趨作巧。求徑捷之欲速。忘歲計之無餘。遂使田萊日荒。倉廩不積。蠶織休廢。弊繻闕如。饑寒猥臻。亂離斯起。先王懲其若此。所以變故隨時。依本者恆科。占末者增稅。夫關市之稅者。謂市及國門關門者也。惟斂出入之商賈。不稅來往之

行人。公

朝。自取

稱庖。善

班志。亦

四人。在

能授。車

定。不可

市為。害

若擾。之

且為。對

自化。我

之廣。也

黨連羣。暗鳴則彎弓。睚眦則挺劍。小有失意。且猶如此。一旦變法。定是相驚。乘茲困窮。或致騷動。便恐南走越。北走胡。非惟流迸齊人。亦自攪亂殊俗。又如邊徼之地。寇賊爲鄰。興胡之旅。歲月相繼。儻因科賦。致有猜疑。一從散亡。何以制禁。求利雖切。爲害方深。而有司上言。不識大體。徒欲益帑藏。助軍國。殊不知軍國益擾。帑藏愈空。臣知其不可者三也。孟軻又云。古之爲關也。將以禦暴。今之爲關也。將以爲暴。今行者皆稅。本末同流。且如天下諸津。舟航所聚。旁通巴漢。前指閩越。七澤十藪。三江五湖。控引河洛。兼包淮海。弘舸巨艦。千軸萬艘。交貿往還。昧旦永日。今若江津河口。置鋪納稅。納稅則檢覆。檢覆則遲留。此津纔過。彼鋪復止。非惟國家稅錢。更遭主司儻賂。舩有大小。載有少多。量物而稅。觸途淹久。統論一日之中。未過十分之一。因此壅滯。必致吁嗟。一朝失利。則萬商廢業。萬商廢業。則人不聊生。其間或有輕詭任俠之徒。斬龍刺蛟之黨。鄱陽暴謔之客。富平悍壯之夫。居則藏鏹。出便竦劍。加之以重稅。因之以威脅。一旦獸窮則搏。鳥窮則攫。執事者則何以

安之哉。臣知其不可者四也。五帝之初。不可詳已。三王之後。厥有著云。秦漢相承。典章大備。至于關市之稅。史籍有文。秦政以雄圖武力。捨之而不用也。漢武以霸略英才。去之而勿取也。何則。關爲禦暴之所。市爲聚人之地。稅市則人散。稅關則暴興。暴興則起異圖。人散則懷不軌。夫人心莫不背善而樂禍。易動而難安。一市不安。則天下之市心搖矣。一關不安。則天下之關心動矣。況澆風久扇。變法爲難。徒欲禁末遊。規小利。豈知失立默。亂大倫。魏晉眇小。齊隋齷齪。亦所不行。斯道存也。臣知其不可者五也。今之所以稅關市者何也。豈不以國用不足。邊寇爲虞。一行斯術。冀有殷贍然也。微臣更借前箸以籌之。伏惟陛下。當聖期。御立錄。沉璧於洛。刻石於嵩。鑄寶鼎以窮奸。坐明堂而布政。神化廣洽。至德潛通。東夷暨驚。應時平殄。南蠻纒動。計日歸降。西戎五十餘國。廣輪一萬餘里。城堡清夷。亭堠靜謐。比爲患者。惟苦二蕃。今吐蕃請命。邊事不起。卽日雖尙屯兵。久後終成弛柝。獨有默噤。假息孤恩。惡貫禍盈。覆亡不暇。征役日已省矣。煩費日已稀矣。然猶下明制。遵

大樸。愛人力。惜人財。王侯舊封。妃主新禮。所有支料。咸令減削。此陛下以躬率先。堯舜之用心也。且關中河北。水旱數年。諸處逃亡。今始安輯。儻加重稅。或慮相驚。況承平歲積。薄賦日久。俗荷深恩。人知自樂。卒有變法。必多生怨。生怨則驚擾。驚擾則不安。中既不安。外何能禦。文王曰。帝王富其人。伯王富其地。理國若不足。亂國若有餘。古人有言。帝王藏於天下。諸侯藏於百姓。農夫藏於庾。商賈藏於篋。惟陛下詳之。臣知其不可者六也。陛下留神繫表。屬想政源。冒茲炎熾。早朝晏坐。一日二日。機務不遺。先天後天。虛心密應。時政得失。小子何知。率陳瞽辭。伏紙惶懼。請追癸巳日詔疏。羅隱

歲貢賤臣。隱既以文不得意。且抱犬馬之疾于長安。夏五月。京畿旱。癸巳日聞詔。大京兆用器水鑪香蒲蕭絳幡輩。致於坊市外門。將以用舊法而召甘雨也。臣踴起病榻間。以爲明天子憂人。雖舜禹不如是之勤。幸甚幸甚。臣又聞水旱與天地同出。苟時或然。不可以倉卒除去。今秦地早已逾月矣。而陛下禱祠。亦已頻矣。天

之高。地之厚。五嶽之繇。瓦四瀆之宏遠。陛下命百執事。啟祈外。何嘗不以心祝之。雖莖槁苗乾。而百姓不怨嗟者。其感陛下之誠深也。今以蒲蕭輩爲請者。豈陛下爲其能靈於嶽瀆者乎。夫嶽瀆視陛下之公輔。列陛下之土田。苟陛下憂。則嶽瀆亦宜憂矣。受祭據封者。尙未能爲陛下出力。彼蒲蕭輩。復何足以動天。臣爲陛下不取也。臣又聞天之有雨澤。猶陛下之有渥恩。雨澤可以委曲干之。則陛下渥恩亦可以委曲干之矣。臣聞天子有左右史。將所以記事記言。然後付太史氏。臣必恐其得以容易編牘。今冒死請追癸巳日詔。苟若陛下落十六聖之教訓。雖五種栖野。而百姓不暇掇。豈蒲蕭輩之所及乎。昔殷湯之代。臣不以旱爲災。仁聖之君在上也。今旱未及殷代。而陛下憂已過矣。臣請因旱以質萬姓。俾其知陛下心。

請選舉擇賢才疏 薛登

臣聞國以得賢爲寶。臣以舉士爲忠。是以子皮之讓國。僑鮑叔之推管仲。燕昭委兵於樂毅。苻堅託政於王猛。子產受國人之謗。夷吾貪共賈之財。昭王錫輅馬以

止讒。永固戮樊世以除譖。處猜嫌而益信。行閒毀而無疑。此由識之至而察之深也。至若宰我見愚於宣尼。逢萌被知於文叔。韓信無聞於項氏。毛遂不齒於平原。此失士之故也。是以人主受不肖之士則政乖。得賢良之佐則時泰。故堯資八元而庶績其理。周任十亂而天下和平。由是言之。則知士不可不察。而官不可妄授也。何者。比來舉薦多不才。假譽馳聲。互相推獎。希潤身之小計。忘臣子之大猷。非所以報國求賢。副陛下翹翹之望者也。臣竊窺古之取士。實異於今。先觀名行之源。考其鄉邑之譽。崇禮讓以勵己。明節義以標信。以敦朴爲先。最以雕蟲爲後科。故人崇勸讓之風。士去輕浮之行。希仕者必修貞確不拔之操。行難進易退之規。衆議以定其高下。郡將難誣於曲直。故計貢之賢愚。卽州將之榮辱。穢行之彰露。亦鄉人之厚顏。是以李陵降而隴西慙。干木隱而西河美。故名勝於利。則小人之道消。利勝於名。則貪暴之風扇。是知化俗之本。須擯輕浮。昔冀缺以禮讓升朝。則晉人知禮。文翁以儒林化俗。則蜀士崇儒。燕昭好馬。則駿馬來庭。葉公好龍。則